



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTN 0023586 23
Sarajevo, 24.07.2025. godine

Na temelju člana 35. stav 2. tačka e), te člana 224. stav 1. tačka c). Zakona o kaznenom postupku Bosne i Hercegovine, d o n o s i m

NAREDBU
o obustavi istrage

Protiv: .

NN lica

zbog kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a stav 1. Kaznenog zakona Bosne i Hercegovine u vezi sa članom 54. istog Zakona, jer u smislu člana 224. stav 1. tačka c) Zakona o kaznenom postupku Bosne i Hercegovine, nema dovoljno dokaza da je osumnjičeni počinio kazneno djelo.

O b r a z l o ž e n j e

Tužiteljstvo Bosne i Hercegovine, dana ... 2023.godine, otvorilo je istragu protiv NN osobe, zbog postojanja osnova sumnje da je:

„U prethodnom periodu, u za sada neutvrđeno vrijeme, kreirao korisnički profil na društvenoj mreži ... pod nazivom „(...)“, putem koje društvene mreže je objavljivao više puta uznemirujuće fotografije i poruke, i to fotografije na kojima pozira naoružan u ... uniformi, opasan redancima metaka, sa ... na glavi, sa porukom ..., zatim objava uz fotografiju na kojoj se nalazi sa ... djece sa porukom „Moji unuci učim ih ... biće mladi ... kada porastu“, kao i objava uz fotografiju na kojoj se nalazi u uniformi opasan redancima metaka sa ... na glavi uz poruku „, te objava uz fotografiju na kojoj se nalazi u uniformi opasan redancima metaka sa ... na glavi uz poruku ..., a koje su objavljene u više novinskih agencija u BiH, pa tako i na portalu ... dana ...godine, na koji način je javno izazvao i raspirivao nacionalnu i vjersku mržnju, razdor i netrpeljivost među konstitutivnim narodima i ostalima koji žive u Bosni i Hercegovini.

Dakle, na društvenoj mreži ... kreirao korisnički račun „(...)“ na kojem je objavio fotografije sa porukama, a sa ciljem da raspiruje nacionalnu mržnju i stvara netrpeljivost među narodima koji žive u Bosni i Hercegovini.

Čime bi počinio kazneno djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 1. Kaznenog zakona Bosne i Hercegovine u vezi sa članom 54. istog Zakona.

Osnovi sumnje da je NN osoba počinila predmetno kazneno djelo proizilazili su iz: Akta Federalnog ministarstva unutrašnjih poslova, Federalna uprava policije Sarajevo, broj: godine, sa prilogom operativnog materijala sačinjenog od strane policijskih službenika Federalne uprave policije; novinskog članka nezavisnog informativnog portala ... od ... 2023. godine.“.

U cilju provjere osnovanosti navoda iz naredbe o provođenju istrage, dana ... 2023. godine, Tužiteljstvo Bosne i Hercegovine uputilo je Prijedlog Sudu Bosne i Hercegovine za izdavanje Naredbe operateru telekomunikacija, radi dostavljanja obračunskih podataka za korisnika društvene mreže ...

Tužiteljstvo Bosne i Hercegovine, dana ... 2025. godine, zaprimilo je Akt Suda Bosne i Hercegovine, broj: ... godine, kojim se Prijedlogu Tužiteljstva Bosne i Hercegovine ne udovoljava iz razloga jer Sud nalazi da nema osnova za izdavanjem Naredbe stranom operateru telekomunikacija sa sjedištem u inostranstvu „{...}“.

Tužiteljstvo Bosne i Hercegovine, dana ... 2023. godine, izdalo je Naredbu za preduzimanje mjera i radnji Federalnoj upravi policije Sarajevo, kojom je naloženo da u cilju vršenja provjera da li je još uvijek aktivna ... stranica ... izvrši uviđaj i analizu iste, kao i identifikaciju NN lica koja su eventualno učestvovala u sačinjavanju poruka/prepiski/komentara vezano za konkretne predmetne objave i poruke, a sve u svrhu dokumentiranja kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a stav 1. Kaznenog zakona Bosne i Hercegovine u vezi sa članom 54. istog Zakona.

Dana ... 2023. godine, Tužiteljstvo Bosne i Hercegovine uputilo je Zamolnicu nadležnom organu Sjedinjenih Američkih Država da od pravnog lica „(...)“ ..., odnosno pristupne IP adrese sa vremenima pristupa, e-mail adrese korištene za kreiranje korisničkih računa, brojeve telefona korištenih za administriranje istog, kao i druge podatke koji mogu poslužiti u identifikaciji korisnika navedenog računa.

Tužiteljstvo Bosne i Hercegovine je, dana ... 2023. godine, zaprimilo Akt Federalnog ministarstva unutrašnjih poslova, broj: ... godine, u kojem se, između ostalog, navodi da ... profil pod nazivom „(...)“ nije aktivan na društvenoj mreži ..., što ukazuje na mogućnost da je predmetni profil uklonjen od strane društvene mreže ... ili je obrisao od strane osobe koja je isti kreirala, te da shodno navedenom policijski službenici nisu bili u mogućnosti izvršiti uviđaj predmetnog ... korisničkog računa.

Dana ... 2023. godine, Tužiteljstvo Bosne i Hercegovine je uputilo ponovo Zamolnicu za pružanjem međunarodne pravne pomoći nadležnom organu Sjedinjenih Američkih Država, obzirom da Tužiteljstvo Bosne i Hercegovine nije zaprimilo tražene podatke. Naime, Tužiteljstvo Bosne i Hercegovine je dana ... 2023. godine uputilo Zamolnicu nadležnim organima Sjedinjenih Američkih Država za pružanjem međunarodne pravne pomoći, a u cilju prikupljanja dokaza radi otkrivanja počinioa kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a stav 1. Kaznenog zakona Bosne i Hercegovine u vezi sa članom 54. istog Zakona.

Tužiteljstvo Bosne i Hercegovine, dana ...2024. godine, zaprimilo je Akt Ministarstva pravde Bosne i Hercegovine, broj: godine, sa prilogom akta Ministarstva pravde SAD-a od ... 2024. godine, sa prilogom materijalne dokumentacije od pravnog lica „(...)“.

Dana ... 2024. godine, Tužiteljstvo Bosne i Hercegovine izdalo je Naredbu za preduzimanje mjera i radnji Federalnoj upravi policije Sarajevo, kojom je naloženo da ovlaštena službena lica Federalne uprave policije u Sarajevu, u okviru svojih nadležnosti i ovlaštenja, izvrše analizu zaprimljenog materijala od pravnog lica „(...)“.

Tužiteljstvo Bosne i Hercegovine je, dana ... 2024. godine, zaprimilo Izvještaj o poduzetim mjerama i radnjama Federalnog ministarstva unutarnjih poslova, broj: ... od ... 2024. godine, u kojem se, između ostalog, navodi da je na osnovu izvršene preliminarne analize poslovne evidencije kompanije „(...)“, stranice od broja 3 do broja 11, dostavljene, vidljive su IP adrese sa kojih je pristupano predmetnom ... profilu za vremenski period od ... do ..., da su sve IP adrese dodjeljene telekom operateru „(...)“ a koje IP adrese su povezane sa predmetnim korisničkim profilom osumnjičenog lica. Dana ... 2024. godine, Tužiteljstvo Bosne i Hercegovine uputilo je Prijedlog Suda Bosne i Hercegovine, za izdavanjem Naredbe operateru telekomunikacija „(...)“, ... da dostavi podatke o korisniku/cima IP adresa.

Tužiteljstvo Bosne i Hercegovine, dana ... 2024. godine, zaprimilo je Naredbu Suda Bosne i Hercegovine, broj: ... od ...2024. godine, kojom se naređuje operateru telekomunikacija „(...)“, ...da dostavi podatke o korisniku/cima IP adresa, a koja Naredba je proslijeđena na izvršenje dana ... 2024. godine.

Dana ...2024. godine, Tužiteljstvo Bosne i Hercegovine zaprimilo je Akt Suda Bosne i Hercegovine, broj: ... od ...2024. godine, sa prilogom ..., broj: ... od2024. godine, u kojem se, između ostalog, navodi da se podaci o ostvarenom saobraćaju korisnika čuvaju do godinu dana, te obzirom na navedeno, isti nisu u tehničkoj mogućnosti da dostave listinge za traženi vremenski period.

Tužiteljstvo Bosne i Hercegovine, dana ... 2024. godine, uputilo je Zamolnicu nadležnom organu Republike Srbije da se u svojstvu svjedoka sasluša lice „(...)“, na

okolnosti da li je istom poznat korisnički profil na društvenoj mreži ... pod nazivom ... , odnosno, da li je istom poznato ko je administrator iste, kao i ko je istu kreirao. Da li su istom poznate objave koje su postavljene na navedenoj ... stranici sa sljedećim sadržajem: fotografija na kojima lice pozira naoružan u ... uniformi, opasan redancima metaka, sa ... na glavi, sa porukom ..., zatim objava uz fotografiju na kojoj se nalazi lice sa ... djece sa porukom „Moji unuci učim ih ... biće mladi ... kada porastu“, kao i objava uz fotografiju na kojoj se nalazi lice u uniformi opasan redancima metaka sa ... na glavi uz poruku ..., te objava uz fotografiju na kojoj se nalazi lice u uniformi opasan redancima metaka sa ... na glavi uz poruku ... kao i na druge relevantne okolnosti za koje se ukaže potreba.

Dana ... 2024. godine, Tužiteljstvo Bosne i Hercegovine zaprimilo je Akt Ministarstva pravde Bosne i Hercegovine, broj: ... od ... 2024. godine, sa prilogom akta Ministarstva pravde Republike Srbije, broj: ... od ... 2024. godine, sa prilogom Zapisnika o ispitivanju svjedoka, „(...)“ ... MP broj: ... od ... 2024. godine.

U predmetnom Zapisniku lice „(...)“, između ostalog, ističe da nije rođen u ..., da nije bio pripadnik vojske niti da je učestvovao u bilo kakvim ratnim dejstvima na teritoriji Bosne i Hercegovine. Također navodi da je od ... član ..., te da u vezi kreiranog predmetnog ... profila i obava fotografija ništa ne zna, odnosno, da isti nije kreirao kao i da predmetne fotografije nije on objavio. Nadalje, svjedok ističe da mu nije poznato ko je to mogao da uradi, ali da sumnja na „{...}“.

Tužiteljstvo Bosne i Hercegovine, dana ... 2024. godine, zaprimilo je akt Okružnog javnog tužilaštva Banja Luka, broj: ... od ... 2024. godine, sa prilogom Izveštaja o preduzetim mjerama i radnjama MUP RS, Uprava za borbu protiv terorizma i ekstremizma, broj: ... od ... 2023. godine, u kojem se, između ostalog, navodi da je ... profil kreiran na latiničnom pismu, te da su fotografije i komentari istog dana obrisani, pretpostavlja se da je NN lice sa interneta preuzelo fotografije lica „(...)“ u uniformi sa obilježjima ..., sa namjerom da izazove veliku medijsku pažnju na društvenim mrežama, te da je pregledom društvenih mreža utvrđeno da je objavljivanjem istih izazvalo negodovanje, pogotovo među pripadnicima Bošnjačke populacije u Bosni i Hercegovini, a što je i bio cilj NN lica.

Obzirom da prema stanju u spisu nije moguće utvrditi identitet NN lica koja su kreirala predmetni ...profil kao i koja su objavili sporne fotografije, čime bi počinili kazneno djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 1. Kaznenog zakona Bosne i Hercegovine u vezi sa članom 54. istog Zakona, Tužiteljstvo Bosne i Hercegovine je, u smislu člana 224. stav 1. tačka c) Zakona o kaznenom postupku BiH, donijelo Naredbu o obustavi istrage, jer nema dovoljno dokaza da je osumnjičeni počinio predmetno kazneno djelo.

U smislu člana 224. stav 2. Zakona o kaznenom postupku BiH, o obustavi istrage, kao i o razlozima za obustavu istrage, Tužiteljstvo će u pismenoj formi obavijestiti podnosioca kaznene prijave.

Na temelju člana 224. stav 3. Zakona o kaznenom postupku BiH, Tužiteljstvo Bosne i Hercegovine može ponovo otvoriti istragu ako dobije nove činjenice i okolnosti koje ukazuju da postoje osnovi sumnje da je osumnjičeni počinio kazneno djelo.

TUŽITELJSTVO/TUŽILAŠTVO BiH
TUŽITELJ